

Сургуулийн өмнөх боловсролын сургалтын хөтөлбөрийн суралцахуйн үр дүн ба үйл ажиллагаа

СУРГАЛТЫН ЧИГЛЭЛ: ХЭЛ ЯРИА

Сургалтын хөтөлбөрийн зорилго, хүрэх үр дүн, чадвар, агуулгын ай ба суралцахуйн үр дүнг хэрэгжүүлэхийн тулд тэдгээрийг дэмжсэн суралцахуйн үйл ажиллагаа, үнэлгээ, хэрэглэгдэхүүн зэргийг жишиг байдлаар тодорхойлов. Тухайлбал, Үнэлгээний шалгуур, санал болгох хэрэглэгдэхүүн, үргэлжлэх хугацаа, давтамж, сургалтын хөтөлбөрийн уялдааг сургалт, үйл ажиллагаатай холбон үзүүлсэн бөгөөд эцэг эх, асран хамгаалагчийн дэмжлэг, оролцоог тусгав.

5.1. I ТҮВШИН

Ай 1. Сонсох

Суралцахуйн үр дүн	Суралцахуйн үйл ажиллагаа	Үнэлгээний шалгуур
Дэд ай: Сонсож ойлгох		
ХЯ1.1а. Бусдын яриаг сонсоод ойлгосноо үг, үйлдлээр илэрхийлнэ.	- Танил хүмүүс (багш, эцэг эх, гэр бүлийн гишүүн)-ийн үгийг давтаж хэлэх, үйлдлийг дагаж хийх, хийж буй үйлдлийг үгээр илэрхийлэх, хэлсэн зүйлийг авчрах, зааврыг биелүүлэх үгэн болон хөдөлгөөнт тоглоом тоглох; - Ном, үлгэр зохиолын зураг дээрх үйлдлийг дуурайх, нэрлэх, таах, дүрүүдийн үгийг дагаж хэлэх зэрэг үйл ажиллагааг зохион байгуулах.	- Хүмүүсийн үгийг сонсоод үг хэлдэг, эсвэл хариу үйлдэл үзүүлдэг. - Нэг үйлдэлт зааврыг сонсоод биелүүлдэг.
Дэд ай: Авиаг ялгаж сонсох		
ХЯ1.1б. Ярианд хэлсэн үгийг сонсож, давтан хэлнэ.	- Тоглоом эхлэхийн өмнө анхаарал төвлөрүүлэх амьсгалын дасгалыг дагаж хийх; - Хүүхдийн нэрийг дуудах, дуу чимээг ялган сонсгох (амьтан, эд зүйлсийн дуу, чимээ гаргах гэх мэт) тоглоом тоглох; - Үгийг удаан, тод, ойлгомжтой хэлэх, танил үгсийг сонсоод дуурайх, давтан хэлэх, зургийг заах, зөв дуудлагаар хэлэх, тогтоох зэрэг үйл хийх; - Давтагдсан үгтэй богино дуу, шүлгийн мөрийг давтан хэлж, тогтоох.	- Бусдын яриаг сонсоод анхаарлаа хандуулдаг. - Хэлсэн өгүүлбэрээс нэг үгийг ялган сонсдог, давтан хэлдэг. - Давтагдсан үгтэй богино шүлэг, дууны үгийг тогтоож хэлдэг.
Санал болгох сургалтын хэрэглэгдэхүүн: - Ойр дотно хүмүүсийн яриа, үлгэр, авиа үгийн аудио бичлэг, зураг - Хөгжим, дуут тоглоом, өөрсдийн дуртай тоглоом - Төрөл бүрийн амьтад, эд зүйлс, дүрсийг харуулсан зурагт үзүүлэн, зурган карт - Сонсоод ялгах үйлийг идэвхтэй дэмжсэн дижитал хэрэглэгдэхүүн - Давталттай, хөгжилтэй, хөдөлгөөнтэй төрөл бүрийн бүтээлч тоглоом - Төрөл бүрийн сонсдог, хүрч мэдэрдэг дуугардаг ном		Сургалтын хөтөлбөрийн уялдаа: Нийгэм-сэтгэл хөдлөл 1.1а, 1.1б, 1.2б. Хөгжим 1.1а, 1.1б.
Сургалт, үйл ажиллагаатай холбогдох нь:		Үргэлжлэх хугацаа: Өдөр тутам

Тойргийн цаг, чиглүүлэгтэй тоглоом, үйл ажиллагаа, зугаалга, аялал, номын цаг, хөгжөөн баясах цаг	Давтамж: Хичээлийн жилийн турш тогтмол хугацаанд хэрэгжүүлнэ.
Эцэг эх, асран хамгаалагчийн дэмжлэг оролцоо: - Хүүхдээс асуулт асууж, үг үйлдлийг дуурайж хэлэх зэргээр ярилцаж тоглох; - Ярилцахдаа анхаарлыг нь төвлөрүүлэн тоглох; - Хүүхдийн сонсож ойлгох чадварын ахицын талаар багштай хамтарч ажиллах.	

Ай 2. Ярих

Суралцахуйн үр дүн	Суралцахуйн үйл ажиллагаа	Үнэлгээний шалгуур
Дэд ай: Харилцан ярих		
ХЯ1.2а. Харилцан яриаг ажиглан үг, өгүүлбэрийг дуурайна.	- Багш, эцэг эх, хүүхдүүдийн хоорондын харилцан яриаг ажиглан, ярианд оролцож эд юмсыг нэрлэх, хийж буй үйлдэл, болж буй үйл явдалд оролцож, харилцан ярих; - Үлгэр, зохиолын дүрийн богино харилцан яриаг дуурайж хэлэх, сэдэвт тоглоомын үед богино харилцан яриаг тогтоож дуурайн хэлж жүжиглэн тоглох.	Харилцан яриаг анхаарч сонсоод асуултад тохирсон хариу өгдөг.
ХЯ1.2б. Ярилцах явцдаа асуулт асуух оролдлого хийнэ.	- Бусад хүмүүсийн хэлсэн энгийн асуултыг сонсож, давтан хэлэх тоглоом тоглож, гар утас, харилцуураар ярьж байгаа дүрд орж, асуулт асууж тоглох; - Ном үзэх, бусадтай тоглох явцдаа бодит зүйл болон зургийг сонирхон өөрийн хэрэглэдэг эд зүйлийн нэрийг лавлан асуух.	“Энэ юу вэ?”, “Энэ хэн бэ?”, “Хаана байна вэ?” гэх мэт асуултыг бие даан асуудаг, хариулдаг.
Дэд ай: Хүүрнэн ярих		
ХЯ1.2в. Танил эд юмсыг нэрлэнэ.	- Танил орчны юмс, тоглоом, эд зүйлс, амьтны нэр, энгийн үйлдэл зэргийг нэрлэх, зургийг заах, нэрийг давтан хэлэх, эд зүйлстэй холбоотой богино дуу, шүлэг тогтоох гэх мэт үйл хийх; - Эд зүйлс, амьтны зураг эсвэл тоглоомыг ялгаж байрлуулах, ангилж ялгах, нэрлэх тоглоом тоглох.	Амьтан, эд зүйлийг ялгаж, нэрлэдэг.
ХЯ1.2г. Хүсэл, хэрэгцээгээ тохирох үгс ашиглан илэрхийлнэ.	- Өдөр тутмын үйл ажиллагааны явцад хүссэн, хэрэгтэй болсон зүйлээ үгээр илэрхийлэх, хүсэл, хэрэгцээг илэрхийлсэн үгийг дагаж хэлэх, тогтоох, буруу үгийг засах зэргээр дэмжих; - Тоглоом, эд зүйлс ашиглан, авахыг хүсэж байгаа зүйлээ үг холбон хэлэх тоглоом тоглох, асуулт, зааврын дагуу үйл хийх, холбогдолтой зохиолын дүрийн хэлсэн үг, яриаг дуурайж хэлэх зэрэг үйл ажиллагаанд оролцох.	“Юу хүсэж байна вэ?”, “Ямар тоглоом авах вэ?” гэх мэт асуултад 1–2 үгээр хариулдаг.
ХЯ1.2д. Энгийн өгүүлбэрийг давтан хэлнэ.	- Өдөр тутмын амьдралд болсон үйл явдлыг сануулах, ажиглаж хэлэх заавар бүхий тоглоом тоглох, үйл явдлын зургийг ажиглан үйлдлийг хэлэх, өөрийнхөө хийсэн үйлдлийг ярих;	- Хэлсэн өгүүлбэрийг дуурайж, тод хэлж чаддаг.

	- Бодит орчныг ажиглах явцад үзсэн, харсан зүйлээ өөрийн үгээр ярих, уншиж өгсөн ном, үлгэр зохиолоос ойлгосон зүйлээ энгийн өгүүлбэрээр ярих.	
Санал болгох сургалтын хэрэглэгдэхүүн: - Бодит үзүүлэн - Төрөл бүрийн зурагт үзүүлэн, зурган карт - Үлгэр, хүүхдийн зохиол - Сэдэвт зургууд - Бүтээлч тоглоомууд - Аудио бичлэг (ном, үлгэр, өгүүллэг) - Ардын аман зохиолын сан - Дүрт тоглоом		Сургалтын хөтөлбөрийн уялдаа: Нийгэм-сэтгэл хөдлөл 1.1а, 1.1б. Байгаль нийгмийн орчин 1.1б, 1.1в, 1.1г, 1.2а, 1.2д. Хөгжим 1.1б.
Сургалт, үйл ажиллагаатай холбогдох нь: Тойргийн цаг, чиглүүлэгтэй тоглоом, үйл ажиллагаа, зугаалга, аялал, номын цаг, чөлөөт тоглоом, хөдөлмөрийн үйл ажиллагаа, хөгжөөн баясах цаг		Үргэлжлэх хугацаа: Өдөр тутам Давтамж: Хичээлийн жилийн турш тогтмол хугацаанд хэрэгжүүлнэ.
Эцэг эх, асран хамгаалагчийн дэмжлэг оролцоо: - Гэрийн орчинд байгаа эд зүйлийг нэрлэх, давтан хэлүүлж нэршлийг тогтоох; - Хүсэл, хэрэгцээгээ 1-2 үгтэй өгүүлбэрээр хэлэхэд дэмжлэг үзүүлэх; - Хүүхдийн оролцсон болон өмнө нь болсон үйл явдлын тухай энгийн асуултаар чиглүүлж ярилцах; - Уншиж өгсөн ном, үлгэрийн үйл явдлыг өөрийн үгээр ярихад нь дөхүүлж дэмжих.		

Ай 3. Унших бичих бэлтгэл

Суралцахуйн үр дүн	Суралцахуйн үйл ажиллагаа	Үнэлгээний шалгуур
Дэд ай: Унших бэлтгэл		
ХЯ1.3а. Номыг сонирхож үзнэ.	- Том тод зурагтай, хүрч мэдэрдэг, эвлүүлдэг, онгойлгодог хэсэгтэй, энгийн өгүүлэмжтэй, дахин давтагддаг үг хэллэгтэй ном үзэх сонирхох үйлийг дэмжих; - Номын хуудсыг эргүүлж, амьтан, өнгө, эд зүйлийн зургийг ажиглаж, хуруугаар зааж, чанга дуугаар нэрлэх, нэрлэсэн зүйлийг олох; - Номд гарч буй үйл явдлуудыг дуурайх, үйл явдлын дүрслэлийг тоглоомын эд зүйлс (бөмбөг, нарийн савх, саваа) ашиглан хөдөлгөөнт тоглоом тоглох; - Үлгэр, зохиолын дүр, зураг бүрийн тухай асуултад хариулж, үйл явдлыг дүрслэн тоглох.	Номын хуудсыг өөрөө эргүүлж, зургийн үйл явдлыг дуурайж, дүрсэлдэг.
ХЯ1.3б. Зурган тэмдэг тэмдэглэгээг таньж заана.	- Өдөр тутмын амьдралд хэрэглэгдэх гар угаах заавар, ариун цэврийн өрөөний зурган тэмдэг, өөрийн таних тэмдэг, ангийн булангуудыг заасан зурган тэмдэг тэмдэглэгээг	- Зурган тэмдгийн утгыг ойлгож хэлдэг.

	нэрлэх, зааврын дагуу 1 үйлдэлт заавар биелүүлэх, олох, нуух, байрлуулах тоглоом тоглох; - Шал болон хананд наасан зурган тэмдэглэгээг дагаж явах, мөлхөх, доогуур, дээгүүр нь гарах зэрэг зурган тэмдэгт ашигласан хөдөлгөөнт тоглоом тоглох; - Хөгжмийн сургалтад ашиглаж буй зурган тэмдэглэгээг ойлгож алга таших, өвдөг цохих зэрэг үйлдэл хийх.	- Зурган тэмдгийн өнгө, хэлбэрийг ялгадаг.
Дэд ай: Бичих бэлтгэл		
ХЯ1.3в. Харандаа барьж, цаасан дээр мөр гаргана.	- Өндөг хэлбэртэй зөөлөн бөмбөгийг базах, атгах, чимхэж тоглох дасгалыг дагаж хийх; - Юмсыг нэг савнаас нөгөө сав уруу хавчаараар болон гарын хурууны өндгөөр чимхэж зөөх, гурил, элс зэргийг саванд хийж, хуруугаараа зураас, тойрог зурж харандаа барих бэлтгэл дасгалыг дуурайж хийх; - Бүдүүн, богино, гурвалжин хэлбэртэй харандааг эрхий, долоовор, дунд хуруугаар барих; - Том цаасан дээр төрөл бүрийн өнгийн зураас зурах тоглоомд оролцож зааврын дагуу зурж дүрслэх; - Том хэмжээтэй дүрс (жишээ нь: алим, дугуй гэх мэт)-ийг тойруулан, өнгөөр дагнан будах дүрслэх дасгал хийх.	Харандааг зөв барьж сараачих оролдлого хийдэг.
Санал болгох сургалтын хэрэглэгдэхүүн: - Төрөл бүрийн ном (зурагт, том, даавуун, аудио, хүрч мэдэрдэг ном) - Төрөл бүрийн зурагт үзүүлэн, зурган карт - Тоглоом, эд зүйлс - Ардын аман зохиолын сан - Зурган таних тэмдгүүд - Самбар - Бичгийн хэрэгсэл - Ширхэгтэй хуурай зүйлс (будаа, элс) - Хүүхдийн урлахуйн үйлийг дэмжсэн хэрэглэгдэхүүн - Бүтээлч тоглоомууд - Сэдэвт, дүрт тоглоомууд - Гар, хурууны дасгалын зураг, бичлэг - Хүүхдийн гарын жижиг булчинг хөгжүүлэх хэрэглэгдэхүүн (бөмбөг, савх, хавчаар, баримлын шавар, байгалийн материал гэх мэт)		Сургалтын хөтөлбөрийн уялдаа: Математик 1.3в. Нийгэм-сэтгэл хөдлөл 1.3в. Хөдөлгөөн, эрүүл мэнд 1.1а. Зураг урлал 1.2а. Байгаль, нийгмийн орчин 1.2г.
Сургалт, үйл ажиллагаатай холбогдох нь:		Үргэлжлэх хугацаа: Өдөр тутам

Тойргийн цаг, чиглүүлэгтэй тоглоом, үйл ажиллагаа, зугаалга, аялал, номын цаг, хөгжөөн баясах цаг	Давтамж: Хичээлийн жилийн турш тогтмол хугацаанд хэрэгжүүлнэ.
---	--

Эцэг эх, асран хамгаалагчийн дэмжлэг оролцоо:

- Зурагт ном, том ном, дуут номыг хамтдаа үзэж, агуулгыг тайлбарлаж ярилцах;
- Ном үзэх орчныг бүрдүүлж, гэртээ хүүхдийн номын тавиур, номын сан байгуулах, хүүхдэд тохирсон зураг болон бичгийн хэрэгслийг бүрдүүлэх;
- Хүүхдийн гарт тохирсон хэмжээтэй харандаа будаг авч өгөн, харандаа барих оролдлогод дэмжлэг үзүүлнэ, урамшуулах;
- Хүүхдийн номтой ажиллах, зурах, будах үйлийг ажиглаж багштай ярилцаж, мэдээлэл солилцох, багшаас хүүхдийн насанд тохирсон номын жагсаалт ба зурах үйлийг хэрхэн сайжруулах тухай зөвлөгөө авч хэрэгжүүлэн ажиллах.

Чадамжтай холбогдох байдал: - <i>Бүтээлчээр сэтгэх:</i> Өдөр тутмын үйл ажиллагаанд оролцохдоо анхааран сонсох, заах, нэрлэх, энгийн үгээр хариулахыг оролдох, өөрийн санааг чөлөөтэй илэрхийлэх; Шүүн тунгаах: Танил орчны эд зүйлсийг сонирхон, асуулт асуух, харьцуулах, ялгах, шинэ мэдээллийг хүлээн авах; - <i>Суралцахууд суралцах:</i> Шинэ зүйлийг сонирхон ажиглах, дуурайх, туршиж үзэх замаар орчноосоо мэдлэг, туршлага хуримтлуулах; - <i>Харилцах:</i> Энгийн үг, дохио зангаагаар өөрийгөө илэрхийлэх, өдөр тутмын үйлдэлд өгсөн зааврыг анхааран сонсох, ойлгох, давтаж хэлэх, дуурайн гүйцэтгэх; - <i>Хамтран ажиллах:</i> Бусдын санааг анхаарч сонсох, хамтын үйл ажиллагаанд насанд хүрэгчдийн дэмжлэгтэй оролцож эхлэн, тоглох; - <i>Нийгэм, сэтгэл хөдлөлийн хөгжил:</i> Дуу хоолой, өнгө аяс, сэтгэл хөдлөлийг ялган мэдэрч, үг, дохио зангаа, үйлдлээр өөрийгөө илэрхийлэх; - <i>Үндэсний болон дэлхийн өв соёлоос суралцах, өвлөх:</i> Үндэсний хувцас, тоглоом, дуу, бүжиг, үлгэр, ардын аман зохиол, уламжлалт эд зүйлсийг сонирхох, дуурайх анхны ойлголттой болох.	Нийтлэг агуулгатай холбогдох нь: - Эх оронч сэтгэлгээ: Үндэсний хувцас, баяр ёслолтой холбоотой үг хэллэгийг ярихдаа ашиглахыг эрмэлзэх; - Хүний эрхийн боловсрол: Өөрийн хүсэл, хэрэгцээг үгээр илэрхийлэх.
Ялгаатай хэрэгцээтэй хүүхдийг дэмжих: - Харуулах, үйлдлээр дагуулан хийлгэх, нэр үг, үйл үгтэй богино өгүүлбэрээр ярьж өгөх, давтуулан хэлүүлэх зэргээр ярихад дэмжлэг үзүүлнэ. - Тухайн хүүхдийн сонирхолд нийцсэн үйлдлээр дамжуулан харилцаа тогтоож хэл ярианы чадварыг сайжруулна. - Дуу чимээ, мэдрэхүйд тулгуурлан нэрлэх, хүрэлцэх, үнэрлэхгүйгээр таних зүйлс ашиглан ярих үйлийг дэмжинэ. - Харуулж үзүүлэх, дохио зангааг хамт хэрэглэх, амны хэлбэрийг унших зэргээр үйлийн орчныг бүрдүүлж ажиллана. - Үйлдэлтэй холбоотой үгс заах, хоёр хэлний үндсэн үгсийг зурагтай холбон ойлгуулж хэл ярианы чадварыг дэмжинэ.	

5.2. II ТҮВШИН

Ай 1. Сонсох

Суралцахуйн үр дүн	Суралцахуйн үйл ажиллагаа	Үнэлгээний шалгуур
Дэд ай: Сонсож ойлгох		
ХЯ2.1а. Бусдын яриаг анхаарч сонсоно, үг өгүүлбэрээр	- Ойр орчны дуу чимээ, танил үг, өгүүлбэрийг анхааралтай сонсож, дуурайх, үг, өгүүлбэрийг давтаж хэлэх, сонссон үгийн утгыг ойлгож хэлэх, таах, үргэлжлүүлэн хэлэх зэрэг тоглоом тоглох; - Богино эх, ном, үлгэр, шүлэг, дуу зэргийг сонсоод асуултын дагуу ойлгосноо өөрийн үгээр хэлэх, дагаж дуурайж хэлэх, холбогдолтой зургийн дагуу тайлбарлах.	Уншиж өгсөн богино эх, үлгэр, номын тухай энгийн асуултад өөрийн үгээр хариулдаг.
Дэд ай: Авиаг ялгаж сонсох		
ХЯ2.1б. 3-4 үгтэй өгүүлбэрийг давтаж хэлнэ.	- Авиаг зөв дуудахад бэлдэж, өгүүлэх эрхтний дасгалыг дуурайж хийх; - Анхаарлыг нь төвлөрүүлэх тоглоом тоглох явцад үгсийг анхааралтай сонсон, авиа, үгсийг удаан, тод, чанга дуурайж хэлэх, 3-4 үгтэй өгүүлбэрийг давтан хэлэх тоглоом тоглох; - Давтагдсан үгтэй богино шүлэг, аман наадам тогтоох.	Хэлсэн өгүүлбэрийг сонсож, давтаж хэлдэг.
Санал болгох сургалтын хэрэглэгдэхүүн: - Ойр дотно хүмүүсийн яриа, зохиол, авиа үгийн аудио бичлэг, зураг - Хөгжим, дуут тоглоом, өөрсдийн тоглох тоглоом - Төрөл бүрийн амьтад, эд зүйлс, дүрс харуулсан зурагт үзүүлэн, зурган карт - Сонсоод ялгах үйлийг идэвхтэй дэмжсэн дижитал хэрэглэгдэхүүн - Хэл ярианы хөгжлийн дэмжсэн цахим контент, хүүхэлдэйн кино - Давталттай, хөгжилтэй, хөдөлгөөнтэй төрөл бүрийн бүтээлч тоглоом - Төрөл бүрийн сонсдог, хүрч мэдэрдэг дуугардаг ном		Сургалтын хөтөлбөрийн уялдаа: Нийгэм-сэтгэл хөдлөл 2.1б. Математик 2.2а. Хөгжим 2.1а, 2.1б.
Сургалт, үйл ажиллагаатай холбогдох нь: Тойргийн цаг, чиглүүлэгтэй тоглоом, үйл ажиллагаа, зугаалга, аялал, хөгжөөн баясах цаг		Үргэлжлэх хугацаа: Өдөр тутмын үйл ажиллагааны явц Давамж: Хичээлийн жилийн турш тогтмол хугацаанд хэрэгжүүлнэ.
Эцэг эх, асран хамгаалагчийн дэмжлэг оролцоо: - Хүүхдийн хэлсэн үгийг дуурайж бататгаж хэлэх (зөв дуудахыг дэмжих); - Сонирхолтой үлгэр, түүхийн талаар ном уншиж өгөх; - Үлгэр зохиолын агуулга, дүрийн талаар хүүхэдтэй идэвхтэй харилцан яриаг өрнүүлэх; - Өдрийн туршид авиа, үгийг давтах боломж бүрдүүлэх;		

- Сонсож ойлгосон зүйлийн талаар асууж ярилцах.

Ай 2. Ярих

Суралцахуйн үр дүн	Суралцахуйн үйл ажиллагаа	Үнэлгээний шалгуур
Дэд ай: Харилцан ярих		
ХЯ2.2а. Энгийн өгүүлбэрээр харилцан ярианд оролцоно.	- Өдөр тутмын үйл ажиллагааны явцад сэдвийн хүрээнд өөрийгөө илэрхийлэн, бусадтай харилцахдаа асуулт асууж харилцан яриаг эхлүүлэх; - Сургамжит үлгэр, зохиол, үйл явдлыг тогтоож дүрд хувирч жүжиглэн тоглох, үйл явдлын тухай харилцан ярих.	Хүүхэд өөрийн санаагаа хэлэх, бусдыг сонсох, хариулах зэргээр ярианд оролцдог.
ХЯ2.2б. Бусадтай харилцахдаа энгийн яриатай холбогдсон асуулт асууна.	- Сургалт, үйл ажиллагааны үед өөрийн болон бусдын хийсэн үйлдэл, түүнээс төрсөн мэдрэмжээ илэрхийлж, шалтгааныг тодруулан ярилцах; - Ярилцлагын үед яагаад, ямар учраас, юу, хэрвээ гэх мэт үгсийг тохируулан ашиглах асуулт хариултын тоглоом тоглох; - Үлгэр зохиол, зурагтай ном, өөрийн оролцсон үйл явдлын талаар учир шалтгааныг тодруулах асуулт хариултын тоглоом тоглох.	Яагаад? ямар учраас? юу вэ? хэрвээ? гэх мэт үгсийг оролцуулан асуулт асуудаг.
Дэд ай: Хүүрнэн ярих		
ХЯ2.2в. Юмсын өнгө, хэмжээ, байрлал заасан үгээр ярина.	- Өдөр тутмын үйл ажиллагааны явцад өнгө, хэмжээ, байрлал заасан үгийг ашиглаж ярих, чиглүүлэх асуултад хариулах, бодит зүйлс, зураг дээр эд юмсын өнгө, хэмжээг тодорхойлж хэлэх, зааврыг биелүүлэх, нэрлэх, ялгаж ангилах тоглоом тоглох; - Зурагт ном, төрөл бүрийн үзүүлэн, дүрс, тоглоом зэргийг ашиглан нэрлэх, ялгах, байрлуулахдаа үйл хийхдээ байрлал заасан үгийг зөв хэрэглэж ярих, даалгавар биелүүлэх, зурах, будах, холбох, оноох зэргээр тоглох.	Эд зүйлсийн өнгө, хэмжээ, байрлал заасан үгийг ойлгож, яриандаа хэрэглэдэг.
ХЯ2.2г. Үгийн утгыг ойлгож, хураангуй өгүүлбэрээр ярина.	- Зургийг ажиглан, үйл явдлыг хэлэх, 2-3 үгээр өгүүлбэр хэлэх, асуултад хураангуй өгүүлбэрээр хариулах, нэр үг хэлэхэд үйл үгийг үргэлжлүүлэн хэлэх зэрэг үгэн тоглоом тоглох, алдаатай өгүүлбэрийг сонсоод, засаж хэлэх гэх мэт үйлд оролцох; - Уншиж өгсөн үлгэрийн дүрийн үйл хөдлөл, болсон үйл явдлын утгыг хураангуй өгүүлбэр болгож хэлэх, давтан хэлэх, богино шүлгийг тогтоож унших, цөөн үгтэй аман наадмыг дуурайж, тогтоож хэлэх.	- 2-3 үгтэй хураангуй өгүүлбэрээр ярьдаг. - Богино шүлэг, аман наадмыг хэлдэг.
ХЯ2.2д. Үйл явдлыг дарааллын дагуу ярина.	- Өдөр тутмын үйл ажиллагааны явцад болсон үйл явдал, өөрт тохиолдсон зүйлийн тухай дарааллаар нь ярих, давтан ярих, дагаж үйл хийх; - Цуврал зураг, ном, үлгэр зохиолын үйл явдлыг дарааллаар байрлуулж ярих, зураг, хуруун хүүхэлдэй, ширээний театр зэргийг ашиглан дүрд тоглон жүжиглэхэд оролцох, үйл явдлын буруу дарааллыг засах, хамтран ном бүтээж ярих.	Болсон, оролцсон үйл явдлын тухай энгийн өгүүлбэрээр давтаж ярьдаг.

Санал болгох сургалтын хэрэглэгдэхүүн: - Бодит үзүүлэн, тоглоом - Төрөл бүрийн зурагт үзүүлэн, зурган карт - Үлгэр, хүүхдийн зохиол - Видео контент (танин мэдэхүйн бичлэг, анимейшн) - Сэдэвт зургууд - Бүтээлч тоглоомууд - Аудио бичлэг (ном, үлгэр, өгүүллэг) - Ардын аман зохиолын сан - Дүрт тоглоом	Сургалтын хөтөлбөрийн уялдаа: Математик 2.2б. Байгаль, нийгмийн орчин 2.1а, 2.1г. 2.2а, 2.2б. Нийгэм-сэтгэл хөдлөл 2.2а. Хөгжим 2.1б.
Сургалт, үйл ажиллагаатай холбогдох нь: Тойргийн цаг, чиглүүлэгтэй тоглоом, үйл ажиллагаа, зугаалга, аялал, номын цаг, хөгжөөн баясах цаг	Үргэлжлэх хугацаа: Өдөр тутам Давтамж: Хичээлийн жилийн турш тогтмол хугацаанд хэрэгжүүлнэ.
Эцэг эх, асран хамгаалагчийн дэмжлэг оролцоо: - Хүүхдийг гэртээ байх хугацаанд нь юмсын өнгийг ялгуулах, хэмжээ заасан үгийг тохируулж хэрэглэхэд нь дэмжих, үлгэрлэж үзүүлэх, давтаж хэлүүлэх, байрлал заасан үгийг ойлгож, энгийн заавраар биелүүлэх хялбар даалгавар хийлгэх зэргээр дэмжих; - Өгүүлбэр дэх үгийн утгыг ойлгон, зөв хэрэглэж байгаа эсэхийг хяналт тавьж засаж хэлж өгөх, асуулт зохиож асуусан үед нь урамшуулж, хураангуй өгүүлбэрээр хариулах, ярих зэрэгт багштай хамтарч ажиллах; - Номын зураг, үйл явдлыг тоочиж ярих, хураангуй өгүүлбэр хэлэхийг оролдох үед үгийг гүйцээж хэлүүлэх, өгүүлбэр төгсгөх үгийг зааж өгөх, давтаж хэлүүлнэ. Мөн хүүхдэдээ гарч буй ахицыг нь урамшуулж, багшид нь хуваалцаж дэмжлэг үзүүлэх.	

Ай 3. Унших бичих бэлтгэл

Суралцахуйн үр дүн	Суралцахуйн үйл ажиллагаа	Үнэлгээний шалгуур
Дэд ай: Унших бэлтгэл		
ХЯ2.3а. Номын зургийг ажиглан ялгаж, нэрлэнэ.	- Зурагт болон дуу, үйл хөдлөлтэй, ардын болон дэлхийн үлгэр, зохиолын номуудын зургийг ажиглаж үзэх үйлийг дэмжихэд чиглэж номоос өөрийн хэрэглэдэг эд зүйлс, амьтан, жимс, хүнсний ногоо, тоглоомын зураг, өнгө ажиглаж, нэрлэж ялгах; - Зураг ажиглан, юу болж байгаа талаар ярих, “Эхлээд юу болсон бэ?”, “Дараа нь юу болсон бэ?” гэх мэт асуултад хариулах, номын зургуудын дарааллыг ойлгон богино түүх зохиох; - Ном тогтмол үзэж, номын тавиурт номоо хураах, байрлуулж өрөх, засан сэлбэхэд туслах.	- Номын хуудсыг эргүүлж үздэг. - Зураг, номын хуудаснаас нэрлэсэн зүйлийг зааж хэлдэг.

ХЯ2.3б. Ойр орчинд байгаа тэмдэг тэмдэглэгээг ялгаж нэрлэнэ.	- Тэмдэг тэмдэглэгээг дүрсэлсэн зурагт карт үзүүлж “Энэ тэмдэг хаана байдаг вэ?” гэсэн асуултын дагуу тэмдгийг нэрлэж, ялгах; - Улаан, шар, ногоон, өнгийн цаасаар зогсох, явах, болгоомжлох тэмдэг дүрслэн бэлтгэж, ногоон өнгө харуулбал гүйх, улаан өнгө харуулбал зогсох зэргээр хөдөлгөөнт тоглоом тоглох; - Өдөр тутмын орчинд хардаг тэмдэгтүүдийг зурах, наах, нэрлэж тайлбарлах, орчны тэмдгийн ном бүтээх; - Өрөөнд эсвэл гадна орчинд аюулгүй байдлын, сургалтын, орчны зурган тэмдэглэгээнүүдийг байрлуулж, томруулдаг шил эсвэл дүрстэй малгай өмсөж тэмдэгтүүдийг хайж олох тоглоом тоглох;	Зурагт тэмдэглэгээг хараад таньж, ялган нэрлэдэг.
Дэд ай: Бичих бэлтгэл		
ХЯ2.3в. Эрээчиж сараачиж бичнэ.	- Баримлын шаврыг базах, нухах, хавтгайлж хуруугаар дарах, хэвлэх зэргээр тоглох; - Эгц, тахир, муруй зураас дагуулан будах, замыг дагуулан зурах; - Том цаас, самбар дээр төрөл бүрийн зураасыг сараачиж бичих; - Ширхэгтэй зүйлс дээр хуруу, гараар төрөл бүрийн зураасыг сараачин бичиж тоглох; - Сүүдэр гэрлийн тусгалд гарын хуруунуудыг хөдөлгөж тоглох; - Эвлүүлдэг болон оньсон тоглоом, наадгайгаар тоглох.	Харандаагаар эрээчиж сараачих үйлдэл хийдэг.
Санал болгох сургалтын хэрэглэгдэхүүн: - Төрөл бүрийн ном (зурагт, том, даавуун, аудио, хүрч мэдэрдэг ном) - Төрөл бүрийн зурагт үзүүлэн, зурган карт - Тоглоом, эд зүйлс - Ардын аман зохиолын сан - Зурган таних тэмдгүүд - Самбар - Бичгийн хэрэгсэл - Ширхэгтэй хуурай зүйлс (будaa, элс) - Интерактив тоглоом болон дасгалууд - Хүүхдийн урлахуйн үйлийг дэмжсэн хэрэглэгдэхүүн - Бүтээлч тоглоомууд - Сэдэвт, дүрт тоглоомууд - Интерактив хичээл, цахим ном - Гар, хурууны дасгалын зураг, бичлэг		Сургалтын хөтөлбөрийн уялдаа: Математик 2.3в. Нийгэм-сэтгэл хөдлөл 2.3в. Хөдөлгөөн, эрүүл мэнд 2.1а Хөгжим 2.1д. Зураг урлал 2.3а. Байгаль, нийгмийн орчин 2.2г.

- Хүүхдийн гарын жижиг булчинг хөгжүүлэх хэрэглэгдэхүүн (бөмбөг, савх, хавчаар, баримлын шавар, байгалийн материал гэх мэт) - Ардын тоглоом (хөлөгт, оньсон)	
Сургалт, үйл ажиллагаатай холбогдох нь: Тойргийн цаг, чиглүүлэгтэй тоглоом, үйл ажиллагаа, номын цаг, зугаалга, аялал	Үргэлжлэх хугацаа: Өдөр тутам Давтамж: Хичээлийн жилийн турш тогтмол хугацаанд хэрэгжүүлнэ.
Эцэг эх, асран хамгаалагчийн дэмжлэг оролцоо: - Хүүхэдтэйгээ өдөр бүр ярилцах, зурагт номыг хамтдаа үзэж, зураг, үлгэрийн үйл явдлын тухай асууж, ярилцаж, тайлбарлах; - Ном үзэх орчныг бүрдүүлж, үйл ажиллагааг дэмжиж оролцох; - Дуртай сэдвээр ном сонгох, ном үзсэний дараа магтах, хуруугаар дуурайн бичих, сараачих бүтээлч тоглоомоор хамт тоглон, урамшуулах; - Цаасан дээр төрөл бүрийн зураас дүрсүүдийг хамтдаа зурах, хүүхдийн хийх дуртай үйл, сонирхлын талаар багштай ярилцах.	

Чадамжтай холбогдох байдал: - <i>Бүтээлчээр сэтгэх:</i> Хүүхэд зургийг ажиглах, үгэн тоглоом тоглох, харилцан ярианд оролцох, энгийн асуулт асуух; - <i>Шүүн тунгаах:</i> Зургийг нэрлэх, багшийн зааврыг сонсох, үлгэр уран зохиол унших явцад анхаарах, аливаа асуудлыг ажиглах; - <i>Суралцахуйд суралцах:</i> Бусдын яриаг анхааралтай сонсох, зургийг ажиглах, үйл явдлыг хамтарч ярилцах; - <i>Харилцах:</i> Хүмүүсийн яриаг анхааран сонсох, ойлгох, бусдаас асууж, хариулах байдлаар харилцан яриаг үргэлжлүүлэх, өөрийгөө идэвхтэй илэрхийлж харилцах; - <i>Хамтран ажиллах:</i> Насанд хүрэгчдийн дэмжлэгтэй хамтын шийдвэр гаргах, багийн ажилд хувь нэмрээ оруулахад суралцах; - <i>Нийгэм, сэтгэл хөдлөлийн хөгжил:</i> Өөрийн болон бусдын сэтгэл хөдлөлийг ажиглаж, ялган таних; - <i>Үндэсний болон дэлхийн өв соёлоос суралцах:</i> Үндэсний тоглоом наадмаар тоглох, ардын болон дэлхийн сонгодог үлгэр, зохиолыг сонсох, ярилцах, түргэн хэллэг хэлэх.	Нийтлэг агуулгатай холбогдох нь: - Эх оронч сэтгэлгээ: Ёс заншлын үйлдлийг дагаж, түүний утгыг энгийн үгээр тайлбарлах; - Хүний эрхийн боловсрол: Бусдын сэтгэл хөдлөл, хүсэл, оролцоог хүлээн зөвшөөрч, хүндэтгэсэн үг хэллэг хэрэглэх.
---	---

Ялгаатай хэрэгцээтэй хүүхдийг дэмжих:

- Энгийн өгүүлбэр зохиолгох, дүрс зураг ашиглан ойлголтыг нэмэгдүүлэх, зөв дуудах дасгал (авиа ялгах, авиа давтах) хийж дэмжлэг үзүүлнэ.
- Богино өгүүлбэртэй, давтамжтай үг хэллэгтэй дүрс зураг ашиглах, сонсгол болон харааны ижилсэл бүхий тоглоом ашиглана.
- Хэл яриагаар орчныг танин мэдүүлж, гар хүрч болох бодит зүйл ашиглаж үгийн баялгийг нэмэгдүүлж харилцахад дэмжлэг үзүүлнэ.
- Дүрс зураг, дохио хэлтэй хавсарсан яриа хийж, хөдөлгөөнөөр дэмжинэ.
- Нэр үг, үйл үгийн санг нэмэгдүүлж, хоёр хэл дээр давталт хийж хэл ярианы чадварыг сайжруулна.

5.3. III ТҮВШИН**Ай 1. Сонсох**

Суралцахуйн үр дүн		Суралцахуйн үйл ажиллагаа	Үнэлгээний шалгуур
Дэд ай: Сонсож ойлгох			
ХЯЗ.1а. Асуултыг ойлгож тодорхой хариулт өгнө.		- “Энэ зохиолд ямар үйл явдал болсон бэ?”, “Чи энэ зохиолоос юу ойлгосон” гэх мэт асуултын дагуу үйл явдлыг ярих, гол санааг гаргах, үйл явдлыг сэргээн сануулахад өөрийн үгээр тайлбарлах, зургийн дагуу ярих; - Сонссон зүйлийн тухай дахин давтан өгүүлэх тоглоом тоглох; - Монгол ардын үлгэр, хэлц үг, зүйр үг, оньсого, түргэн хэллэг цээжлэх, ярих, асуултын дагуу агуулгыг бусдад ярих.	- Сонссон зүйлийн утга санааг тайлбарлан ярьдаг. - Асуултад тохирсон хариулт өгдөг.
Дэд ай: Авиаг ялгаж сонсох			
ХЯЗ.1б. Урт, богино авиа орсон үгийг сонсоод ялгана.		- Урт, богино авиагаар эхэлсэн, төгссөн үгийг сонсоод ялгааг хэлж, хоёр авианы ялгааг тоо болон зураас, дүрс, үйлдлээр илэрхийлсэн тоглоомыг ойлгож тоглох; - Урт, богино авиа бүхий үгсийг зургаас ялгах дасгал, даалгаврыг хийх, тухайн үгийн утгыг ойлгож тайлбарлах ярилцлагад оролцох.	- Хэлсэн үгсээс урт, богино авиаг ялган таньдаг. - Сонссон урт ба богино авианд үндэслэн үйлдэл (алгаа таших, зураг сонгох гэх мэт) хийдэг.
Санал болгох сургалтын хэрэглэгдэхүүн: - Ойр дотно хүмүүсийн яриа, үлгэр, авиа үгийн аудио бичлэг, зураг - Хөгжим, дуут тоглоом, өөрсдийн тоглох тоглоом - Төрөл бүрийн амьтад, эд зүйлс, дүрс харуулсан зурагт үзүүлэн, зурган карт - Сонсоод ялгах үйлийг идэвхтэй дэмжсэн дижитал хэрэглэгдэхүүн - Хэл ярианы хөгжлийн дэмжсэн цахим контент, хүүхэлдэйн кино - Давталттай, хөгжилтэй, хөдөлгөөнтэй төрөл бүрийн бүтээлч тоглоом - Төрөл бүрийн сонсдог, хүрч мэдэрдэг дуугардаг ном			Сургалтын хөтөлбөрийн уялдаа: Нийгэм-сэтгэл хөдлөл 3.3а. Математик 3.4а. Байгаль, нийгмийн орчин 3.2а. Хөгжим 3.1а, 3.1б.

Сургалт, үйл ажиллагаатай холбогдох нь: Тойргийн цаг, чиглүүлэгтэй тоглоом, үйл ажиллагаа, зугаалга, аялал, хөгжөөн баясах цаг	Үргэлжлэх хугацаа: Өдөр тутмын үйл ажиллагааны явц Давтамж: Хичээлийн жилийн турш тогтмол хугацаанд хэрэгжүүлнэ.
Эцэг эх, асран хамгаалагчийн дэмжлэг оролцоо: - Авиа ялгах дасгал тоглох; - Хүүхдэдээ энгийн, богино ба урт авиатай үгс хэлж, сонсоход нь туслах; - Урт ба богино авиа орсон үгсийн зурагтай картуудыг хамт ангилж, “өөр үү, ижил үү?” гэж асуух, алгаа таших, гараа өргөх зэрэг энгийн хөдөлгөөнөөр хариу авах тоглоом тоглох; - Ном уншиж байхдаа урт ба богино авиа агуулсан үг дээр онцлон, хүүхдээрээ дуурайн хэлүүлэх.	

Ай 2. Ярих

Суралцахуйн үр дүн	Суралцахуйн үйл ажиллагаа	Үнэлгээний шалгуур
Дэд ай: Харилцан ярих		
ХЯ3.2а. Харилцан ярианд өөрийн санаачилгаар оролцож санал бодлоо илэрхийлнэ.	- Төрөл бүрийн сэдэв, үйл явдлын тухай харилцан ярьж тайлбарлах; - Дуртай зүйлс, сонирхолд тулгуурласан тойргийн ярилцлага, энгийн туршилт, төсөл тоглоомд оролцож, харилцан ярианд өөрийн санаа бодлыг илэрхийлж, ярих; - Сонссон үлгэр, өгүүллэгийг өөрийн үгээр эргүүлэн ярьж, асуудлыг хэрхэн шийдсэн тухай өөрийн дүгнэлт, харьцуулалтыг хэлэх.	Ярилцлага, туршилт, дүрд тоглох зэрэгт идэвхтэй оролцож, санаа бодлоо хуваалцдаг.
ХЯ3.2б. Харилцан ярианд сонирхсон зүйлийн тухай асууж, тодруулна.	- Багш болон найзуудынхаа яриаг таслахгүй сонсох, ээлжлэн ярих, асуултаар чиглүүлсэн харилцан яриаг ойлгож хариулах, өгөгдсөн сэдвийн хүрээнд зохиомол харилцан яриа үүсгэж тоглох, харилцан ярианд биеийн хэлэмж нүүрний хувирал, дуу хоолойн өнгөө өөрчилж ярилцах, харилцагчийн дүрд орж харилцаж жүжиглэх; - Тоглоом болон өдөр тутмын үйл ажиллагааны явцад бусад хүмүүсийн яриаг сонсоод, яагаад?, ямар учраас? юуны учир вэ? зэрэг асуулт асууж, үзэл бодлоо хэлж, харилцах; - Үйл явдлын дараалалтай зургийн учир шалтгааныг олох асуулт асуух, өөрт тохиолдсон баярт үйл явдал, аялал, зугаалгын тухай ярих, ярьсан зүйлийг тодруулахын зорилгоор асуулт зохиох, асуулт хариултын тоглоом тоглох.	Харилцан ярианы явцад “Яагаад?”, “Ямар учраас?”, “Тэгэхэд юу болсон бэ?” гэх мэт асуултаар харилцагчаас дэлгэрэнгүй мэдээлэл авч, сонирхсон зүйлээ тодруулдаг.
Дэд ай: Хүүрнэн ярих		

ХЯЗ.2в. Юмсын шинж чанар, онцлог илэрхийлсэн үгсийг яриандаа ашиглана.	- Өдөр тутмын үйл ажиллагааны явцад янз бүрийн эд зүйлийг тэмтрэх, барих, амтлах, ажиглах зэргээр юмсын шинж чанарыг тодорхойлсон үгсийг хэрэглэх, давтан хэлж тогтоох, ялгаж нэрлэх шинж чанараар нь харьцуулан ярьж тоглох, туршилтын явцаа тайлбарлан хэлэх зэрэг үйлд оролцох; - Асуултын дагуу эд зүйлсийн онцлог шинжийг ярихдаа тохирсон үг хэлэх, тодорхойлох тоглоом тоглох, эд юмстай холбогдолтой шүлэг, ертөнцийн гурав, оньсого таавар зэргийг тогтоож унших; - Хүрч мэдэрдэг болон туршилт хийх ном, бичлэг зэргийг үзээд юмсын шинж чанар, онцлог заасан үгийг тогтоож хэрэглэх, туршилтыг дагаж хийх, хийсэн туршилтаа тайлбарлахдаа үгийг оновчтой сонгож ярих.	- Юмсын байрлал, шинж чанараар нь харьцуулах, ажиглах, хүртэж мэдэрсэн зүйлийг дүрслэхдээ үгээ оновчтой сонгож, хэрэглэж ярьдаг. - Шүлэг, ертөнцийн гурав, оньсого зэргийг тогтоож уншдаг.
ХЯЗ.2г. Үгийг оновчтой сонгож, дэлгэрэнгүй өгүүлбэрээр ярина.	- Чиглүүлсэн асуултын дагуу зураг, тоглоом, эд зүйлс ашиглан үгийг идэвхжүүлэн тоглох, бодит үйл явдлыг бүтэн өгүүлбэрээр хүүрнэн ярих, сэдвийн дагуу ярилцлагад оролцож зөв бүтэцтэй өгүүлбэр хэлэх; - Зурсан зураг, хийсэн бүтээл, оролцсон үйл ажиллагааны тухай дэлгэрүүлж ярих, ярилцлагад өөрийн санааг дэлгэрэнгүй өгүүлбэрээр илэрхийлэх; - Уншиж өгсөн ном, үлгэр өгүүллэгийн тухай асуухад бүтэн өгүүлбэрээр хариулах, үйл явдлыг дэлгэрүүлж ярих, дүрд орж жүжиглэн тоглохдоо өгүүлбэрийг тогтоож хэлж тоглох.	- Өөрийн бодол санаагаа 3-4 үгтэй дэлгэрэнгүй өгүүлбэрээр, илэрхийлж ярьдаг.
ХЯЗ.2д. Үйл явдлын эхлэл, өрнөл, төгсгөл хэсгийг тоочиж ярина.	- Уншиж өгсөн үлгэр зохиолын үйл явдлын тухай энгийн асуултад хариулах, эхэнд, төгсгөлд юу болсныг өөрийн үгээр ярих - Үйл явдлын дарааллыг үзүүлсэн цуврал зураг, үзүүлэн, зурагт карт зэргийг зөв дараалалд оруулж хэсэг хэсгээр болон нийтээр нь тайлбарлан ярих, өөрөө бяцхан ном бүтээж дарааллын дагуу ярих; - Анги болон гэртээ хийсэн зүйлээ зургаар бэлтгэж дарааллаар нь бусдад ярих эсвэл бусдын хийж байгаа гурван үйлдлийг дарааллаар нь ярих зэрэг тоглоом тоглоход оролцох, хэлэх зүйлээ асуултын дагуу үргэлжлүүлэн ярих, үзсэн харсан, оролцсон үйл явдлаа дарааллаар нь ярих.	- Сонссон үлгэр зохиол, үйл явдлыг эхлэл өрнөл, төгсгөл хэсэг бүрээр тоочиж ярьдаг. - Өөрийн оролцсон үйл явдлын үйл явдлыг эхлэл өрнөл, төгсгөл хэсэг бүрээр тоочиж ярьдаг.
Санал болгох сургалтын хэрэглэгдэхүүн: - Бодит үзүүлэн - Төрөл бүрийн зурагт үзүүлэн, зурган карт - Үлгэр, хүүхдийн зохиол - Видео контент (танин мэдэхүйн бичлэг, анимейшн) - Сэдэвт зургууд - Бүтээлч тоглоомууд		Сургалтын хөтөлбөрийн уялдаа: Байгаль, нийгмийн орчин 3.1а, 3.2а, 3.2д. Нийгэм-сэтгэл хөдлөл 3.1б, 3.2а, 3.2в, 3.3в. Хөгжим 3.1б.

- Интерактив, цахим хэрэглэгдэхүүн - Цуврал зураг - Үйл явдлын дараалал бүхий хэрчмэл зурагт үзүүлэн - Аудио бичлэг (ном, үлгэр, өгүүллэг) - Ардын аман зохиолын сан - Өгүүлбэрийн бүдүүвч - Ярианы таблиц самбар (мнемотехник) - Дүрт тоглоом	
Сургалт, үйл ажиллагаатай холбогдох нь: Тойргийн цаг, чиглүүлэгтэй тоглоом, үйл ажиллагаа, номын цаг, төвийн үйл ажиллагаа, зугаалга, аялал, хөгжөөн баясах цаг	Үргэлжлэх хугацаа: Өдөр тутмын үйл ажиллагааны явц Давтамж: Хичээлийн жилийн турш тогтмол хугацаанд хэрэгжүүлнэ.
Эцэг эх, асран хамгаалагчийн дэмжлэг оролцоо: - Цэцэрлэг болон гэртээ болсон үйл явдлыг асууж ярилцахдаа хүүхдийн сурсан шинэ үгийг асууж утгыг дахин тайлбарлах, засаж хэлүүлэх, шинэ үгийг зөв ашиглаж байгаа эсэхэд хяналт тавьж, ойлголтыг нь бататгаж зөвлөх; - Үгийг оновчтой сонгож өгүүлбэр хэлж байгаа эсэхийг анзаарч давтаж эсвэл засаж хэлэх, ямар? гэсэн асуултад хариулагдах үгийг хэлүүлж хэрэглүүлэхэд дэмжих, хэлсэн өгүүлбэрт нэр үг, үйл үг, тэмдэг нэр гэх мэт үгс ашиглагдаж байгаа эсэхэд анхаарч, эдгээрийг ашиглан дэлгэрэнгүй өгүүлбэр хэлүүлж сургахад багштай хамтарч ажиллах; - Гэрт эсвэл цэцэрлэгт уншиж ярьж өгсөн үлгэр зохиолын үйл явдлын талаар хүүхдээр яриулах, эхлээд юу болсон бэ?, дараа нь яасан бэ? гэх мэт асуултаар чиглүүлж, эхлэл, өрнөл, төгсгөл хэсгийг бүхэлд нь ярьж сурахад багштай хамтарч ажиллах.	

Ай 3. Унших бичих бэлтгэл

Суралцахуйн үр дүн	Суралцахуйн үйл ажиллагаа	Үнэлгээний шалгуур
Дэд ай: Унших бэлтгэл		
ХЯЗ.3а. Номын зургаас үйл явдлыг ойлгож ярина.	- Амьтад, байгаль, үлгэрийн сэдэвт сонирхол татахуйц агуулгатай номын зураг үйл явдлыг ойлгож ярих; - Монгол ардын үлгэр, түүх, оньсого, зүйр үг, шилдэг зохиолыг өөрийн үгээр ярьж зургийг хамтдаа тайлбарлах, зурагт бяцхан ном бүтээж ярих; - Үлгэрийн баатруудын дуу хоолойг дуурайж жүжиглэн тоглох; - Номын сан, номын дэлгүүрээр аялах, аяллын тэмдэглэлээ зураглах; - Сонирхон үздэг зурагт номын агуулгыг бусдад тайлбарлан ярих; - Хүүхдийн номын зохиолчтой уулзаж ярилцах, сонирхсон асуултаа асуух.	Сонирхсон номоо сонгон үзэж, номын зургийг тайлбарлан ярьдаг.

ХЯЗ.3б. Олон нийтийн газар хэрэглэдэг тэмдэг, тэмдэглэгээг ялгана.	- Замын хөдөлгөөний тэмдэг (гэрэл дохио, явган хүний гарц, автобусны буудал) аюулгүй байдлын тэмдэг (галын аюултай дүрс, галын гарц) тэмдэг, тэмдэглэгээний утгыг тайлбарласан цахим контент үзэх, тайлбарлаж ярих, замын хөдөлгөөний тэмдэг бүхий хуудсыг өнгөөр будаж, тэмдгийг нэрлэх, ярих; - Жижиг машин, зам тоглоомын орчныг блок тоглоомоор барьж байгуулж, замын тэмдгүүдийг баримтлан машин жолоодож, дүрд тоглох; - Тэмдэгтүүдийг утгаар нь тааруулж эвлүүлэх, утгыг нь тайлбарлах; - Гал сөнөөгчийн дүрд хувирч, галын дохиолол, гарц тэмдэглэгээг таних, хөөс эсвэл усыг ашиглаж гал унтраах дадлага тоглоом тоглох - Өрөөнд галын гарц тэмдэг тавьж, аюулгүй газар хэрхэн очих замыг заах интерактив тоглоом хамтдаа тоглох; - Замын болон галын аюулгүй байдлын тэмдэг тэмдэглэгээг ялгах буухиа, хөдөлгөөнт тоглоом тоглох.	Замын хөдөлгөөн болон аюулгүй байдлын тэмдэг тэмдэглэгээг таньж нэрлэж, тайлбарладаг.
Дэд ай: Бичих бэлтгэл		
ХЯЗ.3в. Энгийн зураасыг дуурайж бичнэ.	- Энгийн шулуун шугам, тойрог, дөрвөлжин, гурвалжин дүрс тэмдэглэлийг дуурайн, дагаж зурах - Шулуун, тахир, долгион зураасыг мөрөөр нь даган зурж, сонирхсон амьтан, эд зүйлстэй холбох зэрэг дасгал хийх - Хэд хэдэн цэгийг холбон дүрс үүсгэх тоглоом дасгал хийх - Амьтан, эд зүйлсийн зургийг гүйцээн зурах - Элс, будаа зэрэг дээр гарын өндөг хуруугаар зураас зурах, зурлага бичих - Олс, уяа, савх ашиглан зураас, дүрс үүсгэх, бүтээж тоглох	Энгийн дүрс, зураас дуурайж зурж бичдэг.
Санал болгох сургалтын хэрэглэгдэхүүн: - Төрөл бүрийн ном (зурагт, том, даавуун, аудио, хүрч мэдэрдэг ном) - Төрөл бүрийн зурагт үзүүлэн, зурган карт - Тоглоом, эд зүйлс - Ардын аман зохиолын сан - Зурган таних тэмдгүүд - Самбар - Тэмдэг тэмдэглэгээний зураг, карт, дүрс бичлэг - Бичгийн хэрэгсэл - Ширхэгтэй хуурай зүйлс (будаа, элс) - Интерактив тоглоом болон дасгалууд		Сургалтын хөтөлбөрийн уялдаа: Зураг урлал 3.3а. Хөдөлгөөн, эрүүл мэнд 3.1а. Математик 3.4б. Хөгжим 3.1д. Байгаль, нийгмийн орчин 3.1г. Нийгэм-сэтгэл хөдлөл 3.1б.

- Бүлэг үгсийн картууд - Төрөл бүрийн цэгэн зурлага бүхий хуудас - Хүүхдийн урлахуйн үйлийг дэмжсэн хэрэглэгдэхүүн - Бүтээлч тоглоомууд - Өгүүлбэрийн бүдүүвч - Сэдэвт, дүрт тоглоомууд - Интерактив хичээл, цахим ном - Гар, хурууны дасгалын зураг, бичлэг - Хүүхдийн гарын жижиг булчинг хөгжүүлэх хэрэглэгдэхүүн (бөмбөг, савх, хавчаар, баримлын шавар, байгалийн материал гэх мэт) - Ардын тоглоом (шагай, хөлөгт, оньсон, гогодоо)	
Сургалт, үйл ажиллагаатай холбогдох нь: Тойргийн цаг, чиглүүлэгтэй тоглоом, үйл ажиллагаа, зугаалга, аялал, номын цаг, хөгжөөн баясах цаг	Үргэлжлэх хугацаа: Өдөр тутам Дадамж: Хичээлийн жилийн турш тогтмол хугацаанд хэрэгжүүлнэ.
Эцэг эх, асран хамгаалагчийн дэмжлэг оролцоо: - Өдөр бүр тогтмол ном уншиж өгөх, номын агуулга, үйл явдлын талаар тодорхойлон ярилцах; - Бичих сонирхлыг дэмжиж бичгийн хэрэгсэл (тэмдэглэлийн дэвтэр, өнгийн үзэг, дэвтэр) -ээр хүүхэдтэйгээ хамтарч, номын сангийн орчин бүрдүүлэх; - Сонирхолтой бүтээлч үйлээр бичих үйлийг нь дэмжин, урамшуулах; - Хүүхдийн унших бичих үйлд илэрч буй ахиц өөрчлөлтийн талаар багштай санал солилцож, хамтран ажиллах.	

Чадамжтай холбогдох байдал: - Бүтээлчээр сэтгэх: Үзсэн харсан зүйлээр түүх зохиож ярих, санаа бодлоо илэрхийлэх, энгийн зүйлсийг хувирган ашиглаж бүтээх, төсөөллөөрөө тоглох, дүр бүтээх; - Шүүн тунгаах: Өөрт хэрэгтэй мэдээллээ сонгох, өөрийн шийдвэрийн шалтгааныг хэлэх, эд зүйлийг харьцуулж, ялгаатай болон ижил төстэй шинжийг тодорхойлох; - Суралцахуйд суралцах: Сонирхсон дуртай зүйлсээ лавлаж, асуулт асуух, дахин оролдох, алдаанаасаа суралцаж өөр арга замыг эрэлхийлж гүйцэтгэх, заавар, зөвлөгөөг сонсож, өөрийн үйлдлийг дүгнэх;	Нийтлэг агуулгатай холбогдох нь: - Эх оронч сэтгэлгээ: Түүхэн хүн, ардын аман зохиолын агуулгыг сонсож, богино өгүүлбэрээр илэрхийлэн ярих; - Хүний эрхийн боловсрол: Хүйс харгалзахгүйгээр хамтран оролцох, туслах, ойлголцох харилцааг хэл яриагаар илэрхийлэх.
--	--

- <i>Харилцах:</i> Өөрийн санаа бодол, мэдрэмж, төсөөллөө дэлгэрэнгүй, утгын холбоотой илэрхийлж, бусдын санааг ойлгон үр дүнтэй харилцах; - <i>Хамтран ажиллах:</i> Хамтарсан тоглоом болон үйл ажиллагаанд дүрмийг дагаж, бусдыг хүндэтгэн ээлжээ хүлээх, багаар тоглох, санаачилга гаргах; - <i>Нийгэм, сэтгэл хөдлөлийн хөгжил:</i> Бусдын яриаг анхаарч сонсох, асуултад хариу өгөх, асуулт тавьж харилцан ярих, бусадтай ойлголцох, сэтгэл хөдлөл, өөрийн мэдрэмжээ тодорхой үгээр илэрхийлэх; - <i>Үндэсний болон дэлхийн өв соёлоос суралцах:</i> Уламжлалт өв соёлын зүйлсийг нэрлэх, ардын тоглоом наадмаар хамтран тоглох, тайлбарлах, үндэсний баяр, үлгэр, зохиолын үйл явдлыг ярих, ойлгосноо хуваалцах, соёлын ялгааг ажиглаж санаа бодлоо үг, яриагаар илэрхийлж ярих.	
Ялгаатай хэрэгцээтэй хүүхдийг дэмжих: - Үгийн баялаг нэмэх, өгүүлбэр бүтэц сайжруулах тоглоом ашиглах, зурагт ном дээр ажиллуулна. - Үйлдэл дагалдуулан хэл яриа хөгжүүлэх, дүрс, зураг ашиглан ярихад дэмжлэг үзүүлнэ. (PECS гэх мэт). - Аудио ном, мэдрэхүйг хөгжүүлэх тоглоомоор үгийн баяжуулдгийг нэмэгдүүлэх, өгүүлбэр сонсгож ойлгуулж хэл яриаг сайжруулахад хамтарч ажиллана. - Өгүүлбэр дагуулах, амны уншлага хөгжүүлэх, дүрслэн үзүүлэх материал ажиллуулж дэмжинэ. - Энгийн өгүүлбэр ярих, дүрсээр дамжуулан сэдэвчилсэн яриа өрнүүлэх зэргээр дэмжлэг үзүүлнэ.	

5.4. IV ТҮВШИН

Ай 1. Сонсох

Суралцахуйн үр дүн	Суралцахуйн үйл ажиллагаа	Үнэлгээний шалгуур
Дэд ай: Сонсож ойлгох		
ХЯ4.1а Зохиолын агуулгыг сонсоод ойлгосноо өөрийн үгээр илэрхийлнэ.	- Анхаарлыг төвлөрүүлэх орчин бүрдүүлж, сонирхлыг нь татах сэдвээр (амьтад, гэр бүл, найз нөхөд, үлгэрийн баатрууд...) өгүүллэг, яриа, дуу шүлэг сонсох, тэдний хийсэн үйлдлийг ойлгож мэдэх, үйл явдлын гол хэсгүүдийг ялгах, таних, гол баатрууд яагаад ингэх болсон учир шалтгааныг холбон, өөрийн үгээр тайлбарлах; - Сонссон зүйлээ дахин давтан ярих, агуулгыг онцолж ярих, шинэ үгийг тайлбарлах зэрэг үйл ажиллагаанд идэвхтэй оролцох; - Монгол ахуй ёс заншилтай холбоотой ерөөл, магтаал, зүйр цэцэн үг, үлгэр ярьж, бусдад тайлбарлаж өгөх.	Уншиж өгсөн үлгэр зохиолын гол утга санаа, үйл явдлыг ойлгомжтой өөрийн үгээр тайлбарладаг.

Дэд ай: Авиаг ялгаж сонсох		
ХЯ4.16. Үгийн эхэнд болон төгсгөлд орсон авиаг сонсоод ялгана.	- Сонсож анхаарал хөгжүүлэх, авиаг ялгах чадварыг хөгжүүлэх авиа таах, ялгах, ангилах тоглоом тоглох. Тухайлбал: Зурган карт болон зурагт самбар дээрх үгсийг нэрлэж, хэлсэн үгийн эхний болон төгсгөлийн авиаг сонсож ялгах дасгал ажиллах, орчны дуу чимээг сонсоод эхний болон төгсгөлийн авиаг ялган хэлж тоглох; - Зургуудыг нэрлэж, эхний болон төгсгөлийн авиаг сонсож, сонссон авиа бүхий үгсийг ялгаж байрлуулах тоглоом тоглох; - Нэг эгнээнд зогсох, хэлсэн үгийн эхний авиаг хэлж урагш нэг алхах, төгсгөлийн авиаг хэлж хойш нэг алхах зэрэг хөдөлгөөнт тоглоом тоглох, блокууд дээр авиа үгсийг нааж байрлуулж бэлтгэх, үг хэлэхэд сонссон эхний болон төгсгөл авиатай блокуудаас сонгон авч цамхаг өрж байгуулж тоглох; - Үг хэлж, эхэнд болон төгсгөлд сонсогдсон авиа орсон эд зүйлийг орчноос хайж олох, авчрах зэрэг хөдөлгөөнт тоглоом тоглох; - Сонссон авиагаараа үг бүтээх, өгүүлбэр зохиох дасгал хийх.	Хэлсэн үгийн эхэнд болон төгсгөлд орсон авиаг сонсоод ялгаж хэлдэг.
Санал болгох сургалтын хэрэглэгдэхүүн: - Ойр дотно хүмүүсийн яриа, үлгэр, авиа үгийн аудио бичлэг, зураг - Хөгжим, дуут тоглоом, өөрсдийн тоглох тоглоом - Төрөл бүрийн амьтад, эд зүйлс, дүрс харуулсан зурагт үзүүлэн, зурган карт - Сонсоод ялгах үйлийг идэвхтэй дэмжсэн дижитал хэрэглэгдэхүүн - Хэл ярианы хөгжлийг дэмжсэн цахим контент, хүүхэлдэйн кино - Давталттай, хөгжилтэй, хөдөлгөөнтэй төрөл бүрийн бүтээлч тоглоом - Төрөл бүрийн сонсдог, хүрч мэдэрдэг дуугардаг ном		Сургалтын хөтөлбөрийн уялдаа: Нийгэм-сэтгэл хөдлөл 4.1а. Математик 4.4б. Хөгжим 4.1д. Байгаль, нийгмийн орчин 4.2д.
Сургалт, үйл ажиллагаатай холбогдох нь: Тойргийн цаг, чиглүүлэгтэй тоглоом, үйл ажиллагаа, зугаалга, аялал, номын цаг, хөгжөөн баясах цаг		Үргэлжлэх хугацаа: Өдөр тутам Давтамж: Хичээлийн жилийн турш тогтмол хугацаанд хэрэгжүүлнэ.
Эцэг эх, асран хамгаалагчийн дэмжлэг оролцоо: - Сонссон зүйл дээрээ ярилцах; - Хүүхдээс сонссон зүйлээ дахин тайлбарлахыг хүсэх; - Гол үйл явдал, баатруудын талаар асуулт тавьж, хүүхдийнхээ бодол санааг сонсох; - Хамт зурагтай ном уншиж, зурагтай холбоотойгоор ярилцах; - Хүүхдэд сонссон зүйлээ энгийн үгээр тайлбарлах, шинэ санаа нэмэх боломжийг олгох.		

Ай 2. Ярих

Суралцахуйн үр дүн	Суралцахуйн үйл ажиллагаа	Үнэлгээний шалгуур
Дэд ай: Харилцан ярих		
ХЯ4.2а. Тодорхой сэдвээр санаа бодлоо илэрхийлж, идэвхтэй ярилцана.	- Сэдвүүдээс чөлөөтэй сонгуулан, ярилцлага өрнүүлэх, үзсэн харсан үйл явдлаа тайлбарлан ярих дасгал ажил хийх, бусдын яриаг сонсоод, яагаад, юуны учир вэ? зэрэг асуулт тавьж, үзэл бодлоо хэлэлцэх, харилцан яриаг үргэлжлүүлэн ярилцах тоглоом тоглох; - Монгол ардын тоглоом наадгай, баяр ёслол, уламжлалт соёлын талаар ярилцлага өрнүүлж өөрт тохиолдсон үйл явдлын тухай харилцан ярианд оролцох.	Тодорхой сэдвийн хүрээнд харилцан ярианд оролцож, өөрийн санаагаа илэрхийлдэг.
ХЯ4.2б. Харилцан яриаг асуулт тавьж эхлүүлнэ, үргэлжлүүлж ярилцана.	- Эргэн тойронд болж буй үйл явдал, асуудлыг тодруулахын тулд асуулт асууж ярилцлагыг эхлүүлэх, санаагаа илэрхийлж ярилцлагыг үргэлжлүүлэх, яаж шийдвэрлэх тухай олон төрлийн хувилбарыг дэвшүүлж, ярилцлагад оролцох; - Харилцан ярианд бусдыг сонсож, хүндэтгэж харилцах, ээлжлэн ярих, зохиомол ярилцлагад идэвхтэй оролцож асуулт, хариулт хэлж яриаг үргэлжлүүлэн тоглох; - Төсөл болон тоглоом, туршилтын үед ямар үйл явдал болсон тухай асуулт асууж таамаглал дэвшүүлэн харилцах, асуулт хариултын тоглоом зохиож тоглох.	Яагаад?, яах вэ?, яаж?, хэрхэн? зэрэг үгсийг ашиглан асуулт зохиож, харилцан яриаг үргэлжлүүлэн ярилцдаг.
Дэд ай: Хүүрнэн ярих		
ХЯ4.2в. Ерөнхийлсөн нэрийг яриандаа ашиглана.	- Хүн, амьтан, ургамал, эд зүйлс, хэрэглэдэг бүх зүйлийн ерөнхийлөн нэрлэсэн нэр үгийг тохируулж хэлэх, нэрлэх, цуглуулах, ангилж бүлэглэх, алдааг олох, тухайн ерөнхийлөн нэрлэсэн нэр үгт багтах зүйлсийг тоочиж хэлэх, асуухад үргэлжлүүлэн нэрлэх зэрэг тоглоом тоглох; - Үлгэр, өгүүллэгийн дүр болон орчны эд зүйлсийн ерөнхийлөн нэрлэсэн үгийг олж хэлэх; - Шүлэг, оньсого таавар, ертөнцийн гурав, зүйр үг, хэлц үгийг ойлгож хэрэглэх ба нэрийг хэлэхэд ялгаж унших; - Сэдэвт зураг зурах, хамтын бүтээл хийсний дараа ерөнхийлөн нэрлэсэн үгсийг ойлгон бүтээл хийх эсвэл хийсэн бүтээлдээ нэр өгөх; - Өдөр тутмын үйл ажиллагаа, туршилт болон зугаалгын үед ажигласан зүйлд тохирсон ерөнхийлөн нэрлэсэн нэрийг хэлэх тоглоом тоглох.	Хүн, амьтан, эд зүйлсийн ерөнхийлөн нэрлэсэн нэр үгийг тохируулан хэлдэг.
ХЯ4.2г. Үзсэн, оролцсон, болсон үйл явдлыг нийлмэл өгүүлбэрээр ярина.	- Өдөр тутмын үйл ажиллагааны явцад багш болон бусад хүүхдийн үйл хөдлөлийг ажиглаж хоёр өгүүлбэрийг хэлж холбох үгээр холбож нийлмэл өгүүлбэр болгож ярих; - Холбоо үгсийг тогтоож хэрэглэх, өдрийн төгсгөлд хийсэн зүйлээ нийлмэл өгүүлбэрээр тайлбарлан ярих; - Нийлмэл өгүүлбэрийг давтан хэлэх, зохиох тоглоом тоглох, өгүүлбэрийн бүдүүвч ашиглан зохиосон өгүүлбэрээ нийлмэл өгүүлбэр болгож төгсгөх.	Хоёр өгүүлбэрийг холбоо үгсээр холбож, харилцан уялдаатай нийлмэл өгүүлбэрээр ярьдаг, асуултанд хариулдаг.

	- Уншиж өгсөн үлгэр зохиол болон өөрийн үзсэн, харсан, оролцсон үйл явдлыг нийлмэл өгүүлбэрээр ярих, чиглүүлэх асуултын дагуу нийлмэл өгүүлбэрийг үргэлжлүүлэн хэлэх, үйл явдлын цуврал зургийг ажиглаад, нийлмэл өгүүлбэр зохиож хэлэх.	
ХЯ4.2д. Үйл явдлыг төсөөлж, зохиож ярина.	- Ном, үлгэр зохиолын үйл явдлын төгсгөлийг үргэлжлүүлэн төсөөлж, зохиож ярих; - Өөрийн дуртай баатар, хүүхэлдэйд тохиолдох үйл явдлыг зохиож ярих, зохиомол үлгэр, өгүүллэгийг асуултын дагуу хамтран зохиож ярихад оролцох, зохиосон үлгэрээ зурах, бяцхан ном хийж бусдад ярьж өгөх, сонирхолтой зургаар үлгэр зохиох; - Сэдэвт тоглоомын үед дүрд орж тоглохдоо хэлэх үгээ зохиож найруулан тоглох, багш үг хэлэхэд үргэлжлүүлэн үйл явдал зохиож ярих, хэрвээ чи... гэсэн асуултын дагуу өөрийн санааг зохиож хэлэх, сонирхолтой сэдвээр түүх зохиож ярих.	Үйл явдлыг бүтээлчээр төсөөлж, утга уялдаатай, эхлэл-өрнөл-төгсгөлийг харуулж, зохиож ярьдаг.
Санал болгох сургалтын хэрэглэгдэхүүн: - Бодит үзүүлэн - Төрөл бүрийн зурагт үзүүлэн, зурган карт - Үлгэр, хүүхдийн зохиол - Видео контент (танин мэдэхүйн бичлэг, анимейшн) - Сэдэвт зургууд - Бүтээлч тоглоомууд - Интерактив, цахим хэрэглэгдэхүүн - Цуврал зураг - Үйл явдлын дараалал бүхий хэрчмэл зурагт үзүүлэн - Аудио бичлэг (ном, үлгэр, өгүүллэг) - Ардын аман зохиолын сан - Өгүүлбэрийн бүдүүвч - Ярианы дэмжих самбар (мнемотехник) - Дүрт тоглоом		Сургалтын хөтөлбөрийн уялдаа: Математик 4.2а, 4.2б, 4.3а. Байгаль, нийгмийн орчин 4.1в, 4.1г, 4.2а. Нийгэм-сэтгэл хөдлөл 4.1б. 4.2а, 4.3а. Хөгжим 4.1б.
Сургалт, үйл ажиллагаатай холбогдох нь: Тойргийн цаг, чиглүүлэгтэй тоглоом, үйл ажиллагаа, зугаалга, аялал, номын цаг, чөлөөт тоглоом, хөгжөөн баясах цаг		Үргэлжлэх хугацаа: Өдөр тутам Давтамж: Хичээлийн жилийн турш тогтмол хугацаанд хэрэгжүүлнэ.
Эцэг эх, асран хамгаалагчийн дэмжлэг оролцоо: - Өдөр тутмын амьдралд хэрэглэгддэг зүйлсийн тухай ярилцаж санаа бодлыг нь сонсохдоо үгийн санд нь нэмэгдсэн шинэ үгийн тухай нэмэлт тайлбар өгөх, эд зүйлсийг ерөнхийлөн нэрлэж хэлдэг тухай тайлбарлах, нийгмийн орчинд оролцохдоо ерөнхий нэрийг тайлбарлаж, үгийн баялгийг нэмэгдүүлэх, өдөр тутмын яриандаа хэрэглэхэд нь дэмжлэг үзүүлнэ.		

- Үзсэн, харсан, оролцсон үйл явдлынхаа тухай ойлгомжтой логик дараатай, төсөөлж зохиомжлох, бодол санаагаа нийлмэл өгүүлбэрээр илэрхийлж сурахад нь багштай хамтран ажиллана.

Ай 3. Унших бичих бэлтгэл

Суралцахуйн үр дүн	Суралцахуйн үйл ажиллагаа	Үнэлгээний шалгуур
Дэд ай: Унших бэлтгэл		
ХЯ4.3а. Номын утга, агуулга, үйл явдлыг тайлбарлан ярина.	- Амьтан, байгаль, сургаалт болон ардын үлгэр, түүх, богино өгүүллэг, сонирхол татахуйц дүрүүдтэй номын утга агуулга, үйл явдлыг тайлбарлан ярих идэвхтэй үйлүүдэд оролцох; - Номын агуулгатай холбоотой “Дараа нь юу болох бол?” энэ баатар яагаад ингэж бодсон бэ? гэх мэтээр асуулт асууж, ярилцлагад оролцон санаагаа хэлэх, номын агуулга, үйл явдлаар аялал хийх; - Номын агуулгаар зураг зурах, бяцхан ном, гар урлал бүтээх - Номонд байгаа шүлэг, богино түүхийн бичвэрийг дагуулан унших оролдлого хийх; - Үлгэрийн баатруудын дуу, хоолойг дуурайх, дүрслэн жүжиглэх, богино зохиомж зохиох.	- Номын агуулга, үйл явдлыг утгачлан тайлбарладаг. - Үйл явдлыг эхлэл, өрнөл, төгсгөл дараалалтай ярьдаг.
ХЯ4.3б.Тэмдэг тэмдэглэгээний утгыг тайлбарлаж хэрэглэнэ.	- Номын зураг, хуудас дээрх зурган тэмдэглэгээний дагуу номыг хэрэглэх тухай үйл ажиллагааг зохион байгуулах; - Тэмдэг тэмдэглэгээг ашиглаж түүх, зурагт ном зохиох, зохиосон түүхээ зурж дүрслэн тайлбарлах; - Төрөл бүрийн тэмдгийн зурган карт, орчинд тарааж байрлуулсан тэмдэг тэмдэглэгээнээс дурын тэмдгийг сонгож, юу илэрхийлж байгааг тайлбарлах; - Явган зорчигч, машин жолоодогч, дугуй унах дүр сонгож, замын хөдөлгөөний тэмдэглэлтэй тоглоомын дэвсгэр дээр тэмдэгтүүдийг байрлуулж, дүрмийн дагуу хөдөлгөөн хийж, тэмдэгтүүдийг дагаж тоглох; - Тэмдэг дүрсэлсэн зургийг ажиглаж, биеийн хөдөлгөөнөөр тэмдгийн хэлбэрийг дуурайн дүрсэлж тоглох; - Тоглоомын талбайд өнгийн шохойгоор тэмдгүүдийг зурж, хэрхэн дагаж мөрдөх тухай ярилцлагад санаагаа илэрхийлэх.	- Тэмдэг тэмдэглэгээг хараад таньж нэрлэдэг. - Тэмдэг, тэмдэглэгээний талаар асуулт асууж, санал бодлоо илэрхийлдэг. - Тэмдэг, тэмдэглэгээний зааврыг ойлгож, дагаж мөрдөж чаддаг.
Дэд ай: Бичих бэлтгэл		
ХЯ4.3в. Дармал үсгийг дуурайж бичнэ.	- Элсэн дээр хуруугаар болон савхаар дармал үсэг бичиж тоглох; - Ханын самбар болон талбай дээр өнгийн шохойгоор бичих; - Үсгээр үг зохиож хэлэх, үсгийг эвлүүлж бүтээх; - Үсгийг биеийн хөдөлгөөнөөр дүрслэх, үсэг олох, өгөгдсөн үсгийг гүйцээж бүтээх, үсэгтэй холбоотой үгэн тоглоом болон богино дуу зохиож дуулах зэргээр үсэг тогтоох;	- Үсэг, зургийг ялгадаг. - Өөрийн нэрийн үсгүүдийг хараад таньдаг.

	- Самбар болон хананд байрлуулсан үсгээс мэддэг үсгээ нэрлэх, дуурайж бичих; - Уяа, олс, савх, байгалийн материал ашиглан, үсэг бүтээж дүрсэлж тоглох - Дүрс тэмдэгт, үсгийг цаас болон агаар дээр дүрслэх.	
Санал болгох сургалтын хэрэглэгдэхүүн: - Төрөл бүрийн ном (зурагт, том, даавуун, аудио, хүрч мэдэрдэг ном) - Төрөл бүрийн зурагт үзүүлэн, зурган карт - Тоглоом, эд зүйлс - Ардын аман зохиолын сан - Зурган таних тэмдэгүүд - Самбар - Тэмдэг тэмдэглэгээний зураг, карт, дүрс бичлэг - Бичгийн хэрэгсэл - Ширхэгтэй хуурай зүйлс (будаа, элс) - Интерактив тоглоом болон дасгалууд, хичээл, цахим ном - Бүлэг үгсийн картууд - Төрөл бүрийн цэгэн зурлага бүхий хуудас - Хүүхдийн урлахуйн үйлийг дэмжсэн хэрэглэгдэхүүн - Бүтээлч тоглоомууд - Өгүүлбэрийн бүдүүвч - Сэдэвт, дүрт тоглоомууд - Гар, хурууны дасгалын зураг, бичлэг - Хүүхдийн гарын жижиг булчинг хөгжүүлэх хэрэглэгдэхүүн (бөмбөг, савх, хавчаар, баримлын шавар, байгалийн материал гэх мэт) - Ардын тоглоом (шагай,хөлөгт, оньсон, гогодоо)		Сургалтын хөтөлбөрийн уялдаа: Зураг урлал 4.3а. Хөдөлгөөн, эрүүл мэнд 4.1д Математик 4.3б. Хөгжим 4.1д. Байгаль, нийгмийн орчин 4.2в. Нийгэм-сэтгэл хөдлөл 4.1б.
Сургалт, үйл ажиллагаатай холбогдох нь: Тойргийн цаг, чиглүүлэгтэй тоглоом, үйл ажиллагаа, зугаалга, аялал, номын цаг, хөгжөөн баясах цаг		Үргэлжлэх хугацаа: Өдөр тутам Давтамж: Хичээлийн жилийн турш тогтмол хугацаанд хэрэгжүүлнэ.
Эцэг эх, асран хамгаалагчийн дэмжлэг оролцоо: - Дижитал ном ашиглан хүүхдийн авиа дуудах чадварт дэмжлэг үзүүлэх; - Хүүхэдтэйгээ хамтран, номын орчин бүрдүүлэх (Номын орчинд хүүхдийн насанд тохирсон ном, бичгийн хэрэгсэл, хүүхдийн нурууны өндөрт тохирсон ширээ сандал багтсан байх); - Ээж аавтайгаа хамт найздаа зурган захидал бичих зэрэг сонирхолтой бүтээлч үйлээр хүүхдийн унших бичих үйлийг дэмжиж, урамшуулах;		

- Хүүхдийн анхаарах, ажиглах, төвлөрөх, санаагаа үгээр болон зургаар илэрхийлэх чадвар гарч буй ахиц өөрчлөлийн талаар багштай санал солилцох.

Чадамжтай холбогдох байдал:

- *Бүтээлчээр сэтгэх:* Оньсого таавар таах, үлгэр зохиох, төсөөллөө дүрслэх, шинэ санаагаа илэрхийлэх зэргээр төсөөлөх, бүтээх, зохиох, хувиргах;
- *Шүүн тунгаах:* Үлгэр зохиолын агуулгыг хэлэлцэх, эргэцүүлэх, зохиолын дүрүүдийг сайн муу шинжээр нь харьцуулах, асуудлыг шийдвэрлэх арга замыг эрэлхийлэх, юмсын давуу болон сул талыг тодорхойлж үгээр илэрхийлэх, үнэлэх, дүгнэх, шийдвэр гаргах;
- *Суралцахуйд суралцах:* Хүүхэд ажиглах, дуурайх, дүрслэх, хэлэх, ярих, тайлбарлах зэрэг үйлээр өөрийн сонссон, харсан, оролцсон үйлээ тайлбарлах, багшийн заавар, даалгаврыг ойлгох, биелүүлэх, зорилгоо үгээр илэрхийлэх;
- *Харилцах:* Хүмүүсийн яриаг анхааран сонсох, ойлгох, бусадтай идэвхтэй харилцах, үзэл санаагаа нээлттэй илэрхийлэх, маргаан зөрчилдөөн, асуудлыг эергээр шийдвэрлэх;
- *Хамтран ажиллах:* Тоглоом, төсөл, дүрд тоглох явцдаа багийн гишүүн болон хамтрагчийн үүрэг, хариуцлагыг ухамсарлан, хамт олны нийтлэг зорилгыг дэмжсэн хамтын ажиллагаа, хүчин чармайлтыг төлөвшүүлэх;
- *Нийгэм, сэтгэл хөдлөлийн хөгжил:* Бусдын сэтгэл хөдлөлийг ажиглаж, ялган таньж, өөрийгөө болон бусдыг ойлгох, илэрхийлэх, хүндэтгэх, өөрийн сэтгэл хөдлөлөө удирдахад дуу хоолой, өнгө аяс, сэтгэл хөдлөлийг ялгаж мэдэрч, үйлдлээр илэрхийлэх;
- *Үндэсний болон дэлхийн өв соёлоос суралцах:* Үндэсний тоглоом наадгай, үгэн наадмаар тоглох, ардын үлгэр, сургаалын зохиол сонсох, ярилцах, оньсого таалцах, зүйр үг хэлэлцэх явцдаа эх хэлний болон үндэсний өв соёл, уламжлалаа таних, ойлгох, хайрлах, бахархах, улмаар эх оронч үзэл төлөвшинө. Олон улсын соёл, уран зохиол, зан заншилтай танилцах, тэдгээрийг ажиглах, харьцуулах, тайлбарлах;

Нийтлэг агуулгатай холбогдох нь:

- Эх оронч сэтгэлгээ: Монгол эх орны түүх соёл, ёс уламжлал агуулсан үлгэр зохиол, зурагт номыг тайлбарлан ярьж, жүжигчилсэн тоглолт хийх, агуулгыг нь бусдад ярих, өөрийн үндэсний өв соёлоор бахархах;
- Хүний эрхийн боловсрол: Эрх тэгш, ялгаварлалгүй хандлагыг ойлгож үгээр илэрхийлэн харилцах.

Ялгаатай хэрэгцээтэй хүүхдийг дэмжих:

- Сэдэвчилсэн яриа өрнүүлэх, санаа бодлоо илэрхийлэх дадлага хийх, дүрэмтэй ярианы тоглоом зохиох зэргээр дэмжинэ.
- Хувь хүн рүү чиглэсэн асуулт хариултын явцад нийгмийн байдлыг дүрсэлсэн зураг ашиглан харилцаа өрнүүлж харилцах чадварыг сайжруулж болно.
- Ойлгосон зүйлийнхээ талаар ярилцах, үйл явдлыг дүрслэх дадлага ажлыг олон хувилбартай зохион байгуулж дэмжинэ.
- Үйл явдал зургаар үзүүлж ярих, яриа уншлага хослуулсан арга барилыг ашиглаж дэмжинэ.

- Санаа бодлоо хоёр хэлээр ээлжлэн илэрхийлж сурах, өгүүлэмжээр ярьж сургахад дэмждэг үзүүлнэ.